

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23) i člana 60. stav (2) Zakona o izvršavanju Budžeta Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24, 6/25 i 12/25), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 117. sjednici, održanoj 13.02.2026. godine, d o n o s i

## ZAKLJUČAK

### I

Usvaja se Izvještaj o realizaciji Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2025. godini, Ministarstva za poljoprivredu, šumarstvo i vodoprivredu i čini sastavni dio ovog zaključka.

### II

Zaključak stupa na snagu danom donošenja.

Broj: 02-\_\_\_\_\_/26  
Datum, 13.02.2026. godine  
Zenica

**PREMIJER**

*Nezir Pivić*

DOSTAVLJENO:

1x Ministarstvo za poljoprivredu, šumarstvo i vodoprivredu,  
1x Ministarstvo finansija,  
1x a/a.

**BOSNA I HERCEGOVINA**  
**Federacija Bosne i Hercegovine**  
**ZENIČKO-DOBOJSKI KANTON**

**MINISTARSTVO ZA POLJOPRIVREDU,  
ŠUMARSTVO I VODOPRIVREDU**



# **IZVJEŠTAJ**

**o realizaciji Programa utroška sredstava od prikupljenih veterinarskih naknada za mjere  
zdravstvene zaštite životinja i veterinarskog javnog zdravstva na području Zeničko-dobojskog  
kantona u 2025. godini**

**Zenica, januar 2026. godine**

# IZVJEŠTAJ

## **o realizaciji Programa utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2025. godini**

### **I UVOD**

Program utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2025. godini (u daljem tekstu: Program) je usvojen Odlukom Vlade Zeničko-dobojskog kantona broj: 02-11-15398/25 od 14.08.2025. godine. U skladu sa Budžetom Zeničko-dobojskog kantona za 2025. godinu („Službene novine Zeničko-dobojskog kantona“, broj: 25/24, 12/25 i 23/25) Programom su planirana sredstva u iznosu od 200.000,00 KM.

Sredstva su planirana u razdjelu 23, budžetska organizacija 01, potrošačka jedinica 0001, ekonomski kod 614400, subanalitika NAD 405, pozicija „Subvencije veterinarstvo - namjenska sredstva“ – Izvor 30.

Ministarstvo za poljoprivredu, šumarstvo i vodoprivredu izradilo je Uputstvo Programa utroška sredstava Budžeta Zeničko-dobojskog kantona iz oblasti Veterinarstva broj: 05-20-14930-2/25 od 22.08.2025. godine, koje je objavljeno na službenoj stranici Zeničko-dobojskog kantona.

U skladu sa raspoloživim sredstvima, mjere podrške Programa su usmjerene na sljedeće aktivnosti:

1. Sufinansiranje veterinarskog zdravstvenog pregleda na farmama za tov brojlera,
2. Implementacija standarda kod SPH (Program samokontrola, HACCP sistema),
3. Finansiranje troškova eutanazije i dezinfekcije,
4. Pomoć u provođenju Zakona o zaštiti i dobrobiti životinja,
5. Klinički pregled pčelinjaka na Američku gnjiloću i finansiranje svjedodžbe o zdravstvenom stanju pčela,
6. Laboratorijsko ispitivanje uzoraka pčelinjeg legla na Američku gnjiloću,
7. Dijagnostička ispitivanja životinja i službenih uzoraka po nalogu veterinarskog inspektora i jačanje kapaciteta veterinarske inspekcije,
8. Nabavka veterinarske opreme i opremanje laboratorija veterinarskih organizacija.

### **II REALIZACIJA PROGRAMA**

#### **1. Sufinansiranje veterinarskog zdravstvenog pregleda na farmama za tov brojlera**

Planirana su sredstva u iznosu od 35.000,00 KM za sufinansiranje provođenja veterinarskog zdravstvenog pregleda na svim farmama za tov brojlera na području Zeničko-dobojskog kantona i nadoknada za izdatu grupnu svjedodžbu na farmama za tov brojlera Odlukom o veterinarskoj svjedodžbi o zdravstvenom stanju životinja i pošiljaka životinjskog porijekla u unutrašnjem i međunarodnom prometu. Sufinansiranje je iznosilo do 30% od fiskalnog računa u 2025. godini.

Sredstva za navedenu aktivnost utrošena su u iznosu od 30.678,00 KM.

## 2. Implementacija standarda kod SPH (Program samokontrola, HACCP sistema)

Svim registrovanim subjektima u poslovanju sa hranom (SPH) koji posjeduju veterinarski kontrolni broj omogućeno je sufinansiranje implementacija standarda u ukupnom iznosu sredstava od 20.000,00 KM. Na području Zeničko-dobojskog kantona zahtjev je podnijelo sedam SPH-a koji su uspostavili i implementirali programe samokontrola ili HACCP u 2025. godini u odnosu na tehnološke postupke koje provode u objektu. Subjekti su dostavili zahtjeve uz propisanu dokumentaciju, te je u ove svrhe utrošen iznos od 15.000,00 KM.

## 3. Finansiranje troškova eutanazije i dezinfekcije

Planirani iznos sredstava je 10.000,00 KM, namjenjen za troškove eutanazije životinja u punom iznosu, kada veterinarski inspektor naredi eutanaziju i neškodljivo uklanjanje koje obavljaju nadležne veterinarske stanice na području djelovanja Zeničko-dobojskog kantona. Zaprimljeni su zahtjevi, a isti su realizovani u iznosu od 2.626,03 KM.

R/b	Općina/Grad	Broj eutanaziranih grla životinja	Iznos finansiranja (KM)
1.	Zenica	1 krava	170,00
2.	Zenica	1 krava	790,00
3.	Breza	1 krava	414,00
4.	Zenica	1 krava	470,00
5.	Kakanj	2 ovce	135,00
6.	Kakanj	1 ovca	375,00
7.	Olovo	5 ovaca i 1 koza	272,03
		<b>UKUPNO:</b>	<b>2.626,03 KM</b>

## 4. Pomoć u provođenju Zakona o zaštiti i dobrobiti životinja

Planirana su sredstva u iznosu od 50.000,00 KM za pomoć u provođenju Zakona o zaštiti i dobrobiti životinja kao pomoć za izgradnju i funkcionisanje registrovanih skloništa za životinje na području Zeničko-dobojskog kantona. Zahtjev za ova sredstva podnijela su 3 korisnika, isti su realizovani u ukupnom iznosu od 45.000,00 KM.

## 5. Klinički pregled pčelinjaka na Američku gnjiloću i finansiranje svjedodžbe o zdravstvenom stanju pčela

Za ovu namjenu planiran je iznos sredstava od 35.000,00 KM i finansirao se klinički pregled svih pčelinjaka čiji vlasnici su prijavljeni u Zeničko-dobojskom kantonu na prisustvo zarazne bolesti Američka gnjiloća pčelinjeg legla i uz klinički pregled finansiralo se izdavanje svjedodžbe o zdravstvenom stanju pčela za seleće pčelare. Realizovana su sredstva u iznosu od 27.021,09 KM.

## 6. Laboratorijsko ispitivanje uzoraka pčelinjeg legla na Američku gnjiloću

Pravo na sufinansiranje dijagnostičkog ispitivanja/pretrage na Američku gnjiloću pčelinjeg legla su imali korisnici - vlasnici pčelinjeg društva (pčelari) koji su provodili mjere, a iznos sredstava je 20,00 KM/jedan uzorak. Ukupan iznos za ovu mjeru je iznosio 5.000,00 KM. Za navedenu mjeru ove godine nije bilo zaprimljenih zahtjeva.

## 7. Dijagnostička ispitivanja životinja i službenih uzoraka po nalogu veterinarskog inspektora i jačanje kapaciteta veterinarske inspekcije

Finansirala su se dijagnostička ispitivanja uzoraka uzetih od strane nadležnih veterinarskih inspektora Kantonalne uprave za inspeksijske poslove Zeničko-dobojskog kantona, kod sumnje na prisustvo zarazne bolesti životinja. Planirani iznos sredstava je 10.000,00 KM, a utrošeno je 1.630,00 KM.

## 8. Nabavka veterinarske opreme i opremanje laboratorija veterinarskih organizacija

Sufinansirana je nabavka nove veterinarske opreme i opreme laboratorija veterinarskih organizacija u iznosu od 30% od ukupnog iznosa nabavke (maksimalan iznos podrške je do 8.000,00 KM), a ukupni planirani iznos sredstava je 35.000,00 KM. Ukupna realizovana sredstva za ovu namjenu su 25.644,00 KM.

### III REALIZACIJA SREDSTAVA – REKAPITULACIJA

Rb.	Naziv odluke	Planirana sredstva Programom za 2025. g.	Datum usvajanja odluke	Broj odluke	Odobrena sredstva (KM)	Index (6/3x 100)
1	2	3	4	5	6	7
	<b>Program</b>					
1.	Sufinansiranje veterinarskog zdravstvenog pregleda na farmama za tov brojlera	35.000,00	28.11.2025.	02-11-21246/25	30.678,00	87,65%
2.	Implementacija standarda kod SPH (Programa samokontrole, HACCP sistema )	20.000,00	19.12.2025.	02-11-22592/25	15.000,00	75 %
3.	Finansiranje troškova eutanazije i dezinfekcije	10.000,00	12.12.2025.	02-11-22162/25	2.626,03	26,26 %
4.	Pomoć u provođenju Zakona o zaštiti i dobrobiti životinja	50.000,00	28.11.2025.	02-11-21248/25	45.000,00	90 %
5.	Klinički pregled pčelinjaka na Američku gnjiloću i izdavanje svjedodžbe o zdravstvenom stanju pčela	35.000,00	31.10.2025.	02-11-19705/25	27.021,09	77,20%
6.	Laboratorijsko ispitivanje uzoraka pčelinjeg legla na Američku gnjiloću	5.000,00	/	/	/	0%
7.	Dijagnostička ispitivanja životinja i službenih uzoraka po nalogu veterinarskog inspektora i jačanje kapaciteta veterinarske inspekcije	10.000,00	12.12.2025.	02-11-22170/25	1.630,00	16,3%
8.	Nabavka veterinarske opreme i opremanje laboratorija veterinarskih organizacija	35.000,00	24.10.2025.	02-11-19216/25	25.644,00	73,26%
	<b>UKUPNO:</b>	<b>200.000,00</b>			<b>147.599,12</b>	

### IV POSTIGNUTI EFEKTI KORIŠTENJEM SREDSTAVA POTICAJA

1. Svim registrovanim farmerima koji su u sistemu proizvodnje pilećeg mesa za komercijalno tržište osiguran antemortem pregled brojlera od farme do klaonice uz svjedodžbu o zdravstvenom stanju izdatu od nadležne veterinarske stanice,
2. Povećan broj SPH koji su uspostavili i implementirali programe samokontrole ili HACCP,
3. Eutanizirane i neškodljivo uklonjene sve bolesne životinje za koje nadležni inspektori narede tu mjeru, kroz finansiranje omogućeno što brže njeno provođenje,

4. Osigurani uslovi za smještaj većeg broja napuštenih životinja i smanjena populacija napuštenih životinja, osigurani bolji uslovi za pružanje zdravstvene zaštite i njege životinja u prihvatilištima,
5. Održan postojeći broj pčelinjaka sa tendencijom povećanja broja i organizovanja pčelarstva u vidu moderne i zdravstveno ispravne proizvodnje,
6. Izvršena dodatna službena uzorkovanja za ispitivanje higijenske i zdravstvene ispravnosti uzoraka hrane, uzoraka za dijagnostičke pretrage radi utvrđivanja prisustva zarazne bolesti životinja prvenstveno kod utvrđenog oboljenja ljudi za koje inspektor procjeni i utvrdi potrebnim,
7. Unapređenje veterinarskog javnog zdravstva i efikasnije provođenje mjera zdravstvene zaštite životinja na području Zeničko-dobojskog kantona.

Programom utroška sredstava od prikupljenih veterinarskih naknada za mjere zdravstvene zaštite životinja i veterinarskog javnog zdravstva na području Zeničko-dobojskog kantona u 2025. godini, za Subvencije u veterinarstvu - namjenska sredstva, planiran je iznos od 200.000,00 KM, a realizovano je 147.599,12 KM, odnosno 73,79%.

*Akt pripremio: Ermin Tabak*

**MINISTAR**

*Jasmin Čajić*